



DREJTORIA PËR KULTURË, RINI DHE SPORT

RAPORT I PUNËS



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

-III- Nr. i prot. 2180 Më 03.07.2020
Br. prot. Dt. 20
RAHOVEC - ORAHOVAC

JANAR - QERSHOR

2020

Përmbajtja

Hyrje.....	2
Aktivitetet.....	3
Projektet kapitale.....	4
Biblioteka “Sulejman Krasniqi”	5
Palestra “Mizahir Isma”	6
Zyra për Ruajtjen dhe Mbrojtjen e monumenteve kulturore.....	7

DREJTORIA PËR KULTURË, RINI DHE SPORT

Drejtoria për Kulturë, Rini dhe Sport e përbërë prej tre sektorëve: Kulturë, Rini dhe Sport, me një buxhet të caktuar, i mbulon tre fusha të rëndësishme në jetën e përditshme.

Aktivitetet që i përfshin drejtoria janë: aktivitetet rinore, sportive, ruajtja e trashëgimisë kulturore, shfaqjet teatrale, muzikë, art.

Drejtoria për Kulturë, Rini dhe Sport poashtu trajton kërkesat e palëve për shfrytëzimin e këtyre objekteve kulturore e sportive:

- Shtëpia e Kulturës në: Rahovec, Ratkoc, Xërxë, Krushë të Madhe dhe Drenoc.
- Bibliotekën "Sulejman Krasniqi" në Rahovec, Krushë të Madhe dhe Hoçë të Madhe.
- Stadiumin "Jahja Danuza" në Rahovec dhe fushat tjera sportive.
- Palestrën "Mizahir Isma".

Përveq buxhetit të caktuar komunal, drejtoria ka bërë përpjekje për të gjetur edhe burime të tjera financiare përmes bashkëpunimit me OJQ, organizatat ndërkombëtare që veprojnë në vendin tonë, strukturat e pushtetit lokal, donatorë të ndryshëm, duke përfshirë edhe pushtetin qendror MKRS-në.

Aktivitetet e Drejtorisë për Kulturë, Rini dhe Sport:

Për gjatë këtij gjashtëmujori të parë, Drejtoria për Kulturë, Rini dhe Sport ka përfunduar aktivitete të planifikuara në kuadër të kompetencave dhe autorizimeve, duke udhëhequr me resurset (burimet) lokale kulturore, sportive e rinore të Komunës së Rahovecit.

- Në raportin e punës janë të përfshira shumica e aktiviteteve të zhvilluara në drejtori, duke përfshirë aktivitete e projekte, në fushën e kulturës, trashëgimisë kulturore e historike, bibliotekarisë, sportit dhe rinisë.
- Personeli i DKRS-së përgjatë kësaj periudhe, është angazhuar që të gjitha projekte e aktivitete të parapara të përfundohen me sukses, duke bërë përpjekje edhe për sigurim të mbështetjes financiare shtesë, përfshirë mbështetje nga niveli qendror; MKRS dhe donatorë të ndryshëm vendor e ndërkombëtar.



- Bashkëpunimi me OJQ-të, strukturat e pushtetit lokal, organizatat ndërkombëtare që veprojnë në Kosovë dhe donatorë të ndryshëm, ka qenë konstruktiv dhe ka rezultuar me sukses në disa prej aktiviteteve të realizuara përgjatë kësaj periudhe.

Çfarë kemi arritur?

Shënimet e mëposhtme përmbledhin aktivitetet kryesore dhe të arriturat e DKRS-së nga janari deri në qershor të vitit 2020. Informata më të hollësishme janë dhënë në aneksin e këtij raporti, që ofron informacion të hollësishëm të veprimtarisë së DKRS-së.

Aktivitetet e DKRS-së për periudhën raportuese të gjashtëmujorit të parë të 2020 janë:

Në gjashtë muajt e parë të vitit 2020, në kuadër të Drejtorisë për Kulturë, Rini dhe Sport, janë realizuar shumë takime me partner dhe palë të jashtme, ku jemi përkushtuar maksimalisht në arritjen e objektivave në kuadër të kompetencave të drejtorisë, duke përmbushur planin e punës, qëllimet dhe arritjen e objektivave për këtë periudhë kohore.

- Realizimi i planit të veprimit për vitin 2020,
- Kontrollimi i raporteve të projekteve të subvencionuara nga DKRS-së nga viti paraprak,
- Përgatitja e planit të prokurimit për projekte kapitale.



Për nder të manifestimit tradicional, kulturor e përkujtimor "Flaka e Janarit", është formuar Këshilli Organizues, nga i cili janë planifikuar organizimi i këtyre aktiviteteve:

- Shpallja e Konkursit Letrar "Pena e Flakës së Janarit".
- Homazhe dhe nderime për dëshmorët e kombit (Fortesë, Brestoc, Ratkoc),
- Ekspozitë në Galerinë e arteve, në bashkëpunim me OJQ Art Studio,
- Manifestimi qendror përkujtimor e kulturor "Flaka e Janarit" në Qendrën e Kulturore "Mensur Zyberaj" në Rahovec, si dhe promovimi i monografisë për dëshmorin Nesimi Elshani, nga autori Qemajl Krasniqi.



Poashtu, gjatë kësaj periudhe janë përfunduar edhe këto punë:

- Përgatitja e specifikacionit të thirrjes publike për subvencionimin e OJQ-ve.
- Plotësimi i formularit të performancës komunale për kulturë, rini dhe sport.

- Është mbajtur Ceremonia e shpalljes së Sportistit më të mirë për vitin 2019.

Për nder të 17 Shkurtit – Ditës së Pavarësisë së Republikës së Kosovës, janë organizuar një varg manifestimesh kulturore - artistike dhe sportive:

- Formimi i Këshillit Organizues për nder të Ditës së Republikës së Kosovës, 17 shkurt.
- Shpallja e njoftimit për regjistrimin e ekipeve, për garat e organizuara për nder të 17 Shkurtit.
- Organizimi i garave sportive me fëmijët e Shkollave të Futbollit që veprojnë në Komunën e Rahovecit. (gara janë zhvilluar mes fëmijëve të lindur në ditën e shpalljes së pavarësisë).
- Tryezë diskutimi me Historian me temën " Arsimi shqip në Kosovë gjatë viteve të 90-të".
- Javë sportive në futboll të vogël, homazhe në të gjitha vendlësit, seancë solemne si dhe programi qendror - festiv (Qendra e Kulturës "Mensur Zyberaj", Rahovec).

Për nder të "Javës së Dëshmorëve", është organizuar një ekspozitë virtuale "ART VIZUEL", e cila ka shprehur kreativitetin e artistëve dhe artdashësve nëpërmjet punimeve të ndryshme në pikturë, skulpturë, grafikë dhe fotografi me motive kombëtare.

Po ashtu për nder të "Javës së Dëshmorëve" është organizuar edhe një akademi përkujtimore.

Është organizuar edhe ekspozita virtuale "Atyre që vetëm lindje kanë", me fotografi të dëshmorëve të Komunës sonë.

Dita e Qendrës së Shtëpisë së Kulturës – është përgaditur një reportazh me aktivitete të ndryshme kulturore, në pamundësi të mbajtjes së tyre sikur viteve paraprake për shkak të pandemisë COVID-19.

Për nder të 14 Qershorit – Ditës së Çlirimit të Rahovecit, Drejtoria për Kulturë, Rini dhe Sport ka përcjellur dhe organizuar aktivitete përkujtimore, në bashkëpunim me OVL-UQK. Poashtu, është përgaditur "Orë poetike letrare" me poetë nga komuna e Rahovecit si dhe një aktivitet me fëmijë të grupmoshave të ndryshme "Art në Natyrë", ku fëmijët pikturuan punime të ndryshme.



PROJEKTET KAPITALE

- Përgaditja e specifikacionit për tenderin “Furnizim i bibliotekave me libra” për bibliotekën e qytetit “Sulejman Krasniqi” me nëndegë.
- Përgatitja e specifikacionit për tenderin “Furnizim me flamuj, kurora, buqeta lulesh për aktivitete përkujtimore”.
- Vazhdimi i punimeve, në kuadër të projektit “Restaurimi i monumenteve kulturore – historike” të projekteve rreth trashëgimisë kulturore, kujdesi për objektet në listën e mbrojtës së trashëgimisë kulturore dhe caktimi në listë të atyre që duhet të ruhen, evidentimi dhe përkufizimi i vlerave kulturore e historike të objekteve të trashëgimisë kulturore. Në kuadër të këtij projekti, kanë vazhduar punimet edhe në Bunarin e Madh në Ratkoc dhe në vende tjera duke u bazuar në plan programin e drejtorisë.
- Ka filluar projekti “Ndërtimi i infrastrukturës kulturore në fshatin Dejnë”. Projekti përfshin ndërtimin e skenës, si dhe investime tjera në infrastrukturën kulturore.
- Ka vazhduar kontrata mbi projektin “Mirëmbajtja dhe pastrimi i palestrës sportive” me kompaninë “MSS Mobile”.
- Në implementim e sipër vazhdon të jetë edhe projekti “Renovimi i Shtëpisë së Kulturës në Ratkoc”. Në kuadër të shtëpisë së Kulturës, funksionale do jetë edhe biblioteka e fshatit e cila do të ketë edhe sallën e leximit që do të shërbejë për të rinjtë e këtij fshati.
- Projekti “Rregullimi i terreneve sportive” vazhdon edhe përgjatë këtij viti. Kanë filluar punimet për ndërtimin e fushës sportive në Dejnë, kurse në Opterushë dhe Kramovik kanë filluar gjatë muajit qershor.



Drejtorja për Kulturë, Rini dhe Sport po ashtu i ka adresuar MKRS-së disa kërkesa, për bashkëpunim në investim të disa projekteve:

- Ndërtimi i Qendrës Multifunktionale në Rahovec.
- Ndërtimi i Kompleksit Sportiv në zonën turistike në Rahovec.
- Ndërtimi i fushave sportive në Opterushë, Kramovik, Nagavc, Reti e Poshtme dhe Fortesë.
- Renovimi i stadiumit të futbollit në Rahovec.
- Ndërtimi i palestrës në Krushë të Madhe.
- Rregullimi i stadiumit të futbollit në Ratkoc.

Biblioteka Komunale "Sulejman Krasniqi"

- Përgatitja e raporteve mujore dhe vjetore
- Përpunimi fizik i materialeve bibliotekare
- Klasifikimi dhe katalogimi i librit

Gjatë kësaj periudhe, kemi bashkëpunuar me dashamirë të librit: mësimdhënës, nxënës, shkrimtarë të komunës sonë, në mënyrë që të kemi ngritje të vetëdijës rreth lexueshmërisë.

Poashtu, kemi bashkëpunim të mirë me Bibliotekën Kombëtare, Bibliotekën Universitare, Bibliotekën Regjionale "Ibrahim Rugova"- Gjakovë, Bibliotekën "Hivzi Sylejmani"- Prishtinë, Bibliotekën e Prizrenit etj.

Falë bashkëpunimit të mirë që kemi krijuar me institucione kulturore, biblioteka jonë është pasuruar me tituj të rinj librash.

Deputeti i Kosovës Rexhep Hoti i dhuroi Bibliotekës 138 (njëqind e tridhjetë e tetë) ekzemplarë.

Pasurimi i fondit librar: 531 ekzemplar
Janar-Mars

Fondi total i librave në bibliotekë: 17675 ekzemplar.

Sallën e leximit e kanë shfrytëzuar: 122 përdorues.



- 1.1 Antarësimi në bibliotekë për muajin Janar - Qershor

Periudha	Anëtar	Me pagesë	Gratis	Libra të lexuar	Djem	Vajza
Janar- Qershor	297	292	7	1847	699	1148

-1.2 Tabela e lexuesve për muajin Janar - Qershor

Sh.Fillore	Sh.Mesme	Student	Të tjerë	Djem	Vajza	Gjithsej
215	49	13	20	108	189	297

Palestra e sportit "Mizahir Isma" dhe aktivitete të tjera sportive

Gjatë gjashtë mujorit të parë, në palestër janë realizuar aktivitete të shumta sportive, si nga klube të Komunës së Rahovecit, ashtu edhe nga ata ndërkombëtare, ndër aktivitete tjera janë:

- Kombëtarja e Kosovës ka zhvilluar dy ndeshje në Hendboll me Kombëtaren e Kuwaitit "Kosova vs Kuwaiti".
- Ndeshjet e Superligës 2020, janë zhvilluar në Palestrën "Mizahir Isma".
- KB-Ferronikeli ka zhvilluar dy (2) ndeshje në Superligë dhe një (1) ndeshje për Kupën e Kosovës.
- Kupa e Kosovës në Basketboll, organizim nga KB Rahoveci, në bashkëpunim me Federatën e Basketbollit dhe ofrimi i të gjitha kapaciteteve të nevojshme nga Komuna e Rahovecit.
- Përpos këtyre ndeshjeve, janë zhvilluar ndeshje nga klube tjera të Komunës së Rahovecit, si dhe aktivitete tjera të përditshme, të cilat mbahen në palestër.

Poashtu, ka vazhduar mirëmbajtja e palestrës, në kuadër të kontratës për "Mirëmbajtjen dhe pastrimin e Palestrës Sportive "Mizahir Isma".

Ps: Nga data 16.03.2020 deri më 05.06.2020 janë ndërprerë të gjitha aktivitetet në palestër, për shkak të pandemisë COVID-19, mirëpo stafi i punëtorëve kanë vazhduar punën dhe mirëmbajtjen e objektit të palestrës me orar dhe staf të reduktuar.

Zyra për Ruajtjen dhe Mbrojtjen e monumenteve kulturore

Gjatë kësaj periudhe, në kuadër të zyrës për ruajtjen dhe mbrojtjen e monumenteve janë ndërmarrë këto veprime:

Dokumentet e hartuara:

- I. Është hartuar planprogrami gjashtë (6) muhor, i cili përfshin aktivitetet dhe objektivat në sektorin e trashëgimisë;
- II. Në bazë të planprogramit është përpiluar dhe plotësuar: Inventarizimi i Objekteve të Trashëgimisë Kulturore-Historike në Komunën e Rahovecit.
- III. Në kuadër të planprogramit dhe duke iu përshtatur kohës së pandemisë është publikuar ftesa për fotografi drejtuar qytetarëve të komunës së Rahovecit, për dërgimin e fotografive në të cilat paraqitet trashëgimia kulturore, natyrore etj.

- IV. Thirrja publike (*e papublikuar*), e cila ka të bëjë me kërkesën e zyrës, drejtuar qytetarëve të cilët posedojnë artefakte të cilat do të mund ta pasuronin muzeun.
- V. Gjithashtu është përgaditur struktura dhe përmbajtja për formimin e *“Klubit për Mbrojtjen dhe Ruajtjen e Trashëgimisë Kulturore-Natyrore”*, por për shkak të pandemisë implementimi i këtij klubi nuk ka qenë i mundur të realizohet, me arsyetimin se klubi pjesën më të madhe përbëhet nga nxënësit e shkollave të mesme të komunës së Rahovecit.
- VI. Hartimi i projektit lidhur me dixhitalizimin e trashëgimisë kulturore, projekti është paraparë në bashkëpunim me OJQ-në TIKA.
- VII. Njoftim lidhur me rifillimin e punës, në mbështetje të vendimit të Ministrisë së Shëndetësisë, në kuadër të fazave të vlerësimit.
- VIII. Në kuadër të thirrjes për aplikim nga Ministria e Kulturës, Rinisë dhe Sportit, është përpiluar projekti *“Guida e Komunës së Rahovecit”*.

Vëmendje: Gjatë këtij gjashtëmujori janë ndërmarrë veprime të tjera të cilat nuk janë të listuara në raport, janë diskutuar dhe komentuar aktivitetet dhe ide të ndryshme, të cilat i përkasin sektorit të Kulturës, Rinisë dhe Sportit. Gjithashtu, janë diskutuar disa nga aktivitetet e planifikuara në kuadër të planprogramit gjashtëmujor (6) të zyrës për mbrojtjen dhe ruajtjen e monumenteve trashëgimore, poashtu në aktivitete rinore dhe sportive, mirëpo për shkak të pandemisë janë pezulluar për një kohë pjesa dërrmuese e aktiviteteve dhe punës së drejtorisë, të cilat janë paraparë me planprogramin e punës.

Përgjatë angazhimeve ditore gjithnjë përpiqemi që aktivitetet dhe puna të mos ndalet e që bëjmë përpjekje që aktivitetet tona të përditshme të përpunohen me rregullat dhe masat e vendosura lidhur me pandeminë.

30.06.2020

Rahovec

